

〔清〕

郝懿行撰

爾雅疏

三

北京市中国书店

爾雅郭注義疏下之一

棲霞郝懿行學

釋草第十三

說文艸百卉也从二艸艸木初生也

商書曰庶艸無天官九職謂之疏材大司徒以土會之法辨其物生川澤宜膏物墳衍宜莢物原隰宜叢物鄭注膏當爲藁字之誤也蓮芡之屬有藁韜莢物薺莢王棘之屬藁物藎華之屬淮南原道篇云秋風下霜倒生挫傷高誘注草木首地而生故曰倒生莊子外物篇云草木之倒植者過半說文葍艸木倒是也草一曰蘇方言蘇草也江淮南楚之間曰蘇論衡云地性生草山性生木言生處之異也此篇所釋品羅衆卉實多識之資也

蘘山韭茗山蔥勤山籬蒿山蒜

今山中多有此菜皆如人家所種者苔蔥細莖

大葉

此釋菜也說文云菜艸之可食者故先釋焉韭蔥薤蒜皆人家所常種其生於山則異名幽風以春蚤獻羔繁露因春生實豆小正以圃見紀時是皆蔬自家園事同井竈韭曰豐本言其根豐而葉茂也其生於山者別曰薤說文云薤艸也引詩食鬱及薤邢疏引韓詩作薤薤一名鐵說文鐵山韭也南山經云招搖之山有草焉其狀如韭郭注引聚曰韭爾雅云霍山亦多之霍薤蓋以形近而誤說文韭一種而久故謂之韭今驗韭宿根在地年年分栽故言一種而久山中者亦象家韭而葉差狹根宿地自生○蔥之生於山者名薤說文云薤艸也一切經音義入引爾雅舊注云薤一名山蔥并州以北多饒薤蔥也北山經云遍春山其草多蔥韭郭注山蔥名薤大葉與此注同後漢書章帝紀注蔥領在燉煌西其山高大多蔥是皆蔥生於山之證薤通作格馬融廣成頌云格韭菹于章懷注薤與格古字通按薤今名角蔥作莖生

有枝格旋摘旋生食之不盡其味甘而不辛冬亦不
枯管子所謂伐山戎出戎菽及冬蔥卽此○鱣者說
文云菜也葉似韭按古蔥鱣竝稱內則言切而和以
膏醢少儀言擇而絕其本末今惟用蔥不用鱣矣王
楨農書云野鱣俗名天鱣生麥原中葉似鱣而小味
益辛亦可供食但不多有蘇頌本草圖經云山鱣與
家鱣相似而葉差大玉篇勤作花廣韻引爾雅作花
山鱣云花蒲罪切本亦作勤○蒜之生於山者名蒿
本草陶注小蒜根名薺子蜀本注云小蒜野生小者
一名蒿說文蒜薺菜夏小正云十有二月納中蒜中
蒜也者本如中者也按此卽今澤蒜生山澤閒葉如
鳧茈根如鳧中十二月及正月掘取食之古今注云
蒜中蒜也俗人謂之小蒜爾雅翼云大蒜爲葫小蒜
爲蒜二說竝非蒜是總名葫乃俗稱中蒜自別一種
非凡蒜俱名中其也爾雅翼又引孫
炎以蒿爲山名其上出蒿亦非

薺山斲

廣雅曰山斲當歸當
今似斲而廣大

檉木堇

別二名也似李樹華朝生夕

說文云蘄艸也蓋艸以蘄名者非一山蘄一名薛一名白蘄說見下文本草云當歸一名乾歸不名山蘄廣雅以山蘄即當歸郭云當歸似蘄而蘄大釋文蘄古芹字蘄本今作羸李時珍云當歸本非芹類特以花葉似芹故得芹名古今注云古人相贈以芍藥相招以文無文無一名當歸芍藥一名將離故也

釋文檉木又作蘄木或呼日及亦曰王蒸
檉也說文舜作蘄云蘄木檉朝華暮落引詩顏如蘄
華正義引陸璣疏云舜一名木檉一名檉一名檉
齊魯之閒謂之王蒸今朝生暮落者是也又引樊光
云別二名也其樹如李其華朝生暮落與草同氣故
在草中按月令木堇榮爾雅草謂之榮是木堇草類
也旣得榮名兼膺木堇號於義方備海外東經有薰華
草朝生夕歿郭注薰或作堇是亦以堇爲草名樊光
所言非無據矣莊子逍遙游篇云朝菌不知晦朔釋
文引司馬彪云大芝也一名日及支遁云一名舜英

潘尼云木槿也是支潘以朝菌爲木堇司馬雖以爲芝亦同日及之名堇菌聲近支潘是也釋文大椿又引司馬云一名檮檮木槿也崔音檮華同然則椿雖聲亦相近椿檮聲又相轉然椿壽考而蕤脆薄名雖同卽實乖矣日及玉羲之帖作日給給及通也抱朴子論僊篇云白芨料大椿白芨卽日及字形之譌郭云王蒸月令鄭注木堇王蒸也呂覽高誘注華可用作蒸是王蒸以作蒸得名今堇華蒸之可啖

朮山薊

本草云朮一名山薊今似薊而生山中楊枹薊今呼之馬薊

朮說文从艸作荒繫傳今荒苗似薊也本草云朮一名山薊一名山薑一名山連吳普本草又名山芥天薊竝廣異名也陶注朮有兩種白朮葉大有毛而作椹根喆而少膏赤朮葉細無椹根小苦而多膏陶言白朮卽山薊赤朮卽楊枹薊爾雅下文赤枹薊郭云卽上枹薊此陶所本然赤朮今呼蒼朮矣蒼朮苗高二三尺葉似棠梨束如鋸齒根蟠如蘊華淡紫色今藥用以茅山者良然古方不言赤白也南方草木狀

云藥有乞力伽卽朮也中山經云首山多朮郭注用爾雅類聚八十一引范子曰朮出三輔黃白色者善枹朴子僊藥篇云朮一名山精

箭王薺

王薺也似藜其樹可以爲埽薺江東呼之曰落帚

說文作箭王薺繫傳云今落帚艸也又云今落帚或謂落藜初生時可食藜之類也本草地膚一名地葵別錄一名地麥唐本注名涎衣草蘇頌圖經名鴨舌草皆今埽帚草也枝莖縣密乾之作帚蜀本草云子色青似一眠起蠶沙矣

某王芻

某蓐也今呼鴟腳沙

說文引詩某竹猗猗今詩作綠毛傳綠王芻也終朝采綠鄭箋綠易得之菜也離騷云薺某施以盈室兮王逸注用爾雅詩正義引舍人云某一名王芻李巡云一物二名某氏云某鹿蓐也說文又云蓋艸也唐

本注蓋草俗名葦蓐草葉似竹而細薄莖亦圓小按此卽今淡竹葉也其葉如竹花色淡碧人取汁入畫如點黛御覽引吳普本草云蓋草一名黃草蓋以其可染黃綠也說文葦艸可以染畱黃葦草卽蓋草漢書百官表云諸侯王蓋綬如淳注蓋綠也晉灼云蓋草出琅邪似艾可染綠因以名綬然則葦草卽蓋草蓋草卽葦以可染綠因而名綠葦字通也葦又作緌說文緌帛莫艸染色急就篇注緌蒼艾色是緌莫葦又一聲之轉也

拜蒨藿

蒨藿亦似蒨

說文藿一曰拜蒨藿繫傳云蒨藿俗所謂灰藿也今按灰藿唐本草名白藿今名灰菜莖有紅縷葉青背白其葉心有白粉四月初生可食高數尺秋開細白華結子作穗蒨全似藿而葉心赤俗謂之紅灰菜與白者皆可食蒨堪爲杖

藜

皤蒿

白蒿

蒿鼓

今人呼青蒿香者

蔚牡鼓

藜說文作藜詩宋藜傳藜皤蒿也七月傳藜白蒿也
 正義引孫炎同左氏隱三年正義引陸璣疏云凡艾
 白色為皤蒿今白蒿也春始生及秋香美可生倉又
 可蒸一名游胡北海人謂之芴勃夏小正云藜母者
 芴勃也邢疏引本草白蒿唐本注云此蒿葉麤於青
 蒿從初生至枯白於眾蒿所枉有之又云葉似艾葉
 上有白毛麤澀俗呼蓬蒿可以為菹今按白蒿或說
 即萋蒿非也萋蒿初生雖白而非白蒿爾雅萋有專
 條說見下文○說文蒿鼓鼓香蒿也鼓或作莖詩鹿
 鳴正義引陸璣疏蒿青蒿也荆豫之間汝南汝陰皆
 云鼓也又引孫炎云荆楚之間謂蒿為鼓是鼓即青
 蒿青蒿即草蒿本草草蒿一名青蒿一名方憤陶注
 處處有之即今青蒿人亦取雜香菜食之按黃蒿氣
 臭因名臭蒿青蒿極香故名香蒿黃蒿不堪食人家
 採以罨醬及黃酒麴青蒿香美中啖也○蔚者說文
 云牡蒿也詩蓼莪正義引舍人曰蔚一名牡鼓某氏

曰江河間曰藪陸璣疏云蔚牡蒿也三月始生七月
華華似胡麻華而紫赤八月爲角角似小豆角銳而
長一名馬新蒿按馬新廣雅作馬先謂因塵也因塵
卽菌陳雖亦蒿類而與牡蒿有別陸疏誤矣牡蒿蘇
恭謂卽齊頭蒿也葉似防風細薄而無光澤李時珍
謂諸蒿葉皆尖此蒿葉獨多而禿故有齊頭之名今
按此蒿名牡故郭云無子然陸璣謂角似小豆則非
無子矣舊謂實大如車前實而內子微細不可見故
人謂無子也

齒彫蓬薦黍蓬

別蓬種類

說文蓬蒿也籀文省作葦蓋葦之言葦茸枝葉蘇盛
蓬蓬然故謂之蓬晏子春秋雜上篇云譬之猶秋蓬
也孤其根而美枝葉秋風一至根且拔矣今驗秋蓬
葉似松杉秋枯根拔風卷爲飛所謂孤蓬自振此卽
齒彫蓬矣其薦黍蓬者說文薦獸之所食艸古者神
人以薦遺黃帝帝曰何食曰食薦卽此薦矣薦古文

作蘼釋文引孫李本作蘼从古文也鄭樵通志以彫蓬爲彫胡黍蓬爲野茭楊慎卮言以蓬有水陸二種彫蓬乃水蓬彫茭是也黍蓬乃旱蓬青科是也青科結實如黍羌人倉之今松州有焉此二說竝無依據蓬乃蒿類與茭茭別李時珍本草茭米下引孫炎云彫蓬卽茭米亦未可信

蘼鼠莞

亦莞屬也纖細似龍須可以爲席蜀中出好者

說文莞艸也可以作席書正義引樊光曰詩云下莞上簟郭云似龍須者中山經云賈超山多龍修郭注龍須也似莞而細出山石穴中可以爲席是鼠莞卽龍須之屬龍須本草名石龍芻一名草續斷一切經音義四引爾雅作葍鼠莞今从宋本作葍疑書寫之誤宜據以訂正

勤鼠尾

可以染阜

勤一名鼠尾吳普本草名山陵翹陶注田野甚多人採作滋染阜蜀本注云葉如蒿莖端夏生四五穗穗

若車前華有赤白二種按今蔓草野人呼鵝子蒿結莢銳長形如鳥蒿亦似鼠尾也御覽九百九十五引孫炎云勤巨盈切可染阜

荇莫大薺

薺葉細俗呼之曰老薺

荇說文作析易通卦驗立冬薺麥生月令鄭注以薺爲靡草之屬薺之大者名荇莫南都賦云荇莫芋瓜齊民要術十引舍人曰薺有小故言大薺廣雅荇莫馬辛也本草荇莫一名薺析一名大薺一名馬辛生川澤及道旁呂覽任地篇云孟夏之筭殺三葉而穫大麥高誘注筭終也三葉薺亭歷荇莫也是月之季枯歟大麥熟而可穫高分薺與荇莫爲二非也薺之老者其葉轉細謂之大薺非大其葉郭注得之類聚八十二引郭注作似薺葉細今本脫去似字

蔞虎杖

似紅草而麤大有細刺可以染赤

漆卽紅草之大者本草陶注田野甚多狀如大馬蓼莖斑而葉圓齊民要術六作杭子法如無杭皮用虎杖根卽此

孟狼尾

孟玉篇作蓋俗御覽九百九十四引廣志云狼尾子
可作黍子虛賦云其卑溼則生藏葦葦葢史記集解
引漢書音義云葦葦尾草也是葦尾卽狼尾郭注子
虛賦云藏葦草中牛馬芻按今狼尾似茅而高人以
苦屋俗名
蘆稗莛

瓠棲辨

說文匏瓠也詩匏有苦葉傳匏謂之瓠通作壺詩八月斷壺傳壺瓠也又通作華郊特牲云天子樹瓜華鄭注華果蓏也是華讀爲瓠瓠華古音同也瓠曰瓠臚或作壺盧亦作瓠瓠有甘苦二種詩云甘瓠臚之

魯語云苦匏不材於人其濟而已今農家言瓠之甘者來年或變苦欲驗之於蔓初生時嚼其莖葉苦卽拔去之瓠中實謂之瓣釋文引舍人本瓠作瓠釋云瓠也詩正義引孫炎云棲瓠中瓣也郭注同引詩齒如瓠棲毛詩作瓠犀段借字也傳云瓠犀瓠瓣本爾雅又爾雅本亦有作瓠犀者文選祭古豕文注及御覽九百七十九引爾雅竝作瓠犀瓣是也瓜中實亦曰瓣說文瓣瓜中實也御覽引吳普本草云瓜子一名瓣七月七日採可作面脂是瓜子名瓣之證

茹蘆茅蒐

今之蒨也
可以染絳

說文茅蒐茹蘆人血所生可以染絳又云茜茅蒐也茜與蒨同中山經云釐山其陰多蒐郭注茅蒐今之蒨草也詩東門之墀正義引陸璣疏云一名地血齊人謂之茜徐州人謂之牛蔓蜀本草圖經云染緋草也葉似棗葉頭銳下闊莖葉俱潤四五葉對生節閒蔓延草木上根紫赤色按葉甚光澤今田家名驢轍

子驢喜啖之也茅蒐所染謂之𦵏𦵏而𦵏即茅蒐之
合聲詩瞻彼洛矣傳云𦵏𦵏者茅蒐染草也𦵏𦵏
疑𦵏鄭箋𦵏𦵏者茅蒐染也茅蒐𦵏𦵏聲也正義引
鄭駁五經異義云𦵏𦵏草名齊魯之間言茅蒐聲如𦵏
𦵏陳畱人謂之𦵏晉語云𦵏𦵏之跗注韋昭注茅蒐
今絳草也急疾呼茅蒐成𦵏也胡培翬曰鄭箋茅蒐
𦵏𦵏聲也謂茅蒐聲近𦵏也聲上𦵏字衍文左傳正
義及國語注引皆云𦵏𦵏聲無𦵏字余按𦵏為茅蒐之
合聲茅蒐聲轉即𦵏𦵏非衍也古讀蒐从鬼得
聲陸氏釋文蒐色畱反非矣李孫義與郭同

果羸之實枯樓

今齊人呼之為天瓜

枯樓果羸聲相轉羸當為𦵏枯樓當為苦萑皆段偆
也說文云萑萑果𦵏也𦵏在木曰果在地曰𦵏苦萑實
兼二名詩東山正義引李巡曰枯樓子名也孫炎曰
齊人謂之天瓜爾雅釋文引本草枯樓一名地樓一
名天瓜一名澤姑一名果羸實一名黃瓜陶注云出
近道藤生狀似土瓜而葉有叉實中人今以雜作手

膏用也按栝樓以實得名故詩及本草皆以實言其實黃色大如拳山中人呼爲生牛膽

茶苦菜

詩曰誰謂茶苦菜可食

說文茶苦菜也經典單言茶者如采茶薪樗莖茶如飴及誰謂茶苦皆謂苦菜也單言苦者如詩采苦采苦內則濡魚包苦實蓼及公食大夫禮鉶芼羊苦亦皆謂苦菜也詩縣正義引樊光曰苦菜可食者也爾雅釋文引本草云苦菜名茶草一名選別錄云一名游冬生山陵道旁冬不凋月令孟夏之月苦菜秀易通卦驗玄圖云苦菜生於寒秋經冬歷春得夏乃成今苦菜正如此處處皆有葉似苦苣而細摘斷有白汁花顏氏家訓書證篇云葉似苦苣而細摘斷有白汁花黃如菊李時珍云稍葉似鶴鶩故名老鶴菜合顏陸李三說可盡茶菜之形狀邵氏正義引夏小正云四月取茶菜也者以爲君薦蔣也此引非也小正取茶乃是茅秀非苦菜也蔣爲薦藉非供食也詩有女如荼周禮掌茶國語望之如荼皆謂茅秀非爾雅苦菜

之茶苦茶華枯亦放白英圓小如毬隨風旋轉如輪而不類茅秀陶注本草及徐鍇說文繫傳並以茶爲茗此又失之蓋緣釋木櫝苦茶而誤

萑

今荒蔚也葉似荏方莖白華

說文云萑佳也縱蝦詩中谷有萑傳作萑離也離與佳同離騷詩釋文引韓詩云萑荒蔚也正義引陸機疏云舊說及魏博士濟陰周元明皆云菴藺是也韓詩及三倉說悉云益母故曾子見益母而感引本草云益母荒蔚也一名益母故劉歆曰萑臭穢臭穢卽荒蔚也又引李巡曰臭穢草也是臭穢卽荒蔚之轉聲萑又荒蔚之合聲也今此草氣近煥惡故蒙煥穢之名爾雅釋文引本草一名大札一名益明一名貞蔚又引陶注義與郭同今此草莖方葉三岐高四五尺亦有紅華者子細長三楞管子地員篇云薜下於萑萑下於茅蓋言燥溼之異宜也